

松滋縣誌卷之第十五

名宦

粵稽楚之循吏若名棠若峴碑若萊栢遺愛在人  
雖一物之微弗忍忘矧惠績所著炳炳琅琅在人  
耳目間者乎松自宋迄今循良不乏其人善政所  
遺相望於冊可致而知也謹備載之以為司牧之  
模楷云作名宦志

三國

松滋縣誌

名宦

卷之第十五

諸葛亮漢丞相武鄉侯松之樂鄉城是其所築

陸抗吳人遜之子也晉泰始九年為荊州牧先是

治樂鄉都督信陵西陵桑道諸軍事上陳時宜十

七疏吳王不納及步闡叛據城降晉晉遣年祐為

闡援抗命西陵諸軍築圍內以困闡外以禦晉已

而兵援西陵誅闡等十餘人祐等皆引軍還吳吳

王加抗都督九年以抗為荊州牧十年抗疫病上

疏言臣死之後乞以西事為屬諸王中幼無用以

妨要害及卒吳使其子晏景等分將其兵

宋

王回字景深仙遊人徽宗時知松滋剛方自持才猷敏練荆沔陋俗乃用人祭鬼回捕治甚嚴仍諭以理其風遂革

張洽字元德清江人從朱子遊寧宗朝授松滋令經界不正請行推排法令民自實其疆界產業之數投於櫃乃籌覈而次第之

松滋縣志

名宦

卷之第十五

二

鄒永年知松滋政令肅清道不拾遺吏民畏愛之滕琛知松滋始遷縣治及建縣學爲政有方民懷其惠

明

趙讓浙江桐鄉人成化丁酉知松滋縣愛民下士百廢俱興凡文廟公廨祭射禮器皆有所製

石敏中四川江津人成化中知松滋縣治官如家愛民如子歲荒發賑江泛築堤民賴全活其時有

事於兵軍需甚急敏中措置有方供應不匱修築城垣民不知役

楊德修四川長壽人弘治中以舉人授松滋訓導剛方嚴毅課廵有方士人憚其嚴正以科目乏人隆冬盛暑試業不輟甲子歲果得二魁既考試福建有懷金請託者德修笑曰吾豈擯嘉禾以薦稂莠哉其剛正如此

華津字濟之江南無錫人弘治初知松滋縣清靜

松滋縣誌

名宦

卷之第十五

三

持已明敏蒞事官至叅政近代稱賢宰者必推華云

楊際熙廣西容縣舉人萬曆元年自公安教諭遷松滋令禮賢下士廣厲風化酌行條編民甚便之他若繕隄防革健訟吏胥不敢爲奸民鮮敗類閭閻寧謐以治行第一行取南京雲南道御史至公任時囊橐蕭然行李缺乏真不愧廉名云

戴九階廣西舉人修廢舉墜疏通水患民賴其惠

王繼康字寧季河南光州人廉明果斷不畏強禦  
疏通縣屬之河夾洲緣堤一帶水道至今呼爲王  
公溝行取戶部主事松人建祠以石爲像祀之年  
次屋宇傾頽今邑侯陳復修其祠在縣東門內  
何志孟廣西舉人治才敏幹興利除害會舉循吏  
名對平臺調繁江陵兩邑歌誦如一行取戶部主  
事

國朝

松滋縣誌

各宦

卷之第十五

四

曹鳴鶴河南魯山人定鼎初年首知松滋大有幹  
才明斷無私任七年遷金華同知

劉紘字秉三陝西洛川人丙戌解元己丑進士才  
品兼優公平仁恕此值軍興旁午措置有方民多  
暇日官有餘閒恢恢乎游刃於政事文學之間且  
振興學校作育人材至丁酉秋闈邑庠生遂獲雋  
三人江水濱堤侯躬督人夫露宿野處堤成屹若  
丘陵旣遷常州同知轉戶部郎中尋典試雲南道

涇松邑士民踴躍攀留不忍其去

徐晉階浙江海寧縣舉人勇於恬退而不樂仕進任松日用皆取給紡績以老致仕

張瓚山東武定州人選貢明斷有爲令行禁止尤精於字學以及詩若文蒞任甫歲餘以丁艱旋里董餘慶山西聞喜縣舉人恬靜自喜其於淡薄土下相安松民懷之

李式祖字典企陝西潼關衛人選貢樂易慈祥廉

松滋縣誌

名宦

卷之第十五

五

能明辨時值西征軍需浩繁輓輸不遺爲諸邑先張聯芳浙江紹興人康熙己未春

王師渡江松邑初平其時缺令侯以一大將軍命權知松邑事精敏有爲事無留滯念斯民甫離湯火加意附循卽兵馬倥傯之際人民略無騷擾併侯之力也其大有造於松者莫如詳請南驛歸併公安之舉至今民戴其德

高起鳳字鳴崗三韓人蔭生丰度端凝言論雅馴

釐奸剔弊多以威克任松僅數月遷保德州刺史  
陳麟字秀升江南淮安人生具儀容環瑋賦性慈  
祥繼高侯振蹕之餘惟務德化昔賢閉閣思愆蒲  
鞭示辱之風吾侯有焉治民如治兵然若二侯者  
一如臨淮主嚴汾陽尙寬相濟而不相悖也 侯  
任松最久善政甚多約舉其概如勸墾荒以裕  
國賦停堤工以紓民力斷訟無絲粟之罰催科寓撫  
字之仁修

松滋縣誌

名宦

卷之第十五

六

聖廟培土風也繕臺隍固疆圉也肅具瞻而鼎建解  
署重儲蓄而起構倉庾凡此皆大造於松者而未  
嘗重借民力且侯之爲政一出自然不事虛文彼  
炫名解實者不可同日語矣自甲子蒞任十二載  
於茲闔邑紳士編氓感誦如出一口非湛恩汪濊  
孰能與此

教諭姜維周黃岡縣人府學歲貢初授枝江教諭  
士人仰德頌不絕口因丁艱歸里既補松滋教諭

七季於茲矣自其儉素勵廉恥取與不苟矢志書  
史足跡輕易不出戶庭松邑費宮雖經前 侯高

今 侯陳節次修建尤賴 公仰體

朝廷右文尊師至意極力勸輸 聖殿大成門明倫  
堂興者整理啓聖東廡西廡鄉賢名宦祠闕者建  
造鳩工庀材盡心經營越兩載告成宮墻煥然一  
新 公職分外不一預惟勤課業諸生進謁每以  
謙謹端正閉戶潛修諄切勸率爲第一義